



ZARAUZKO UDALAREN 2023. URTEKO ARAUGINTZA PLANA

Urriaren 1eko 39/2015 Legeak, Administrazio Publikoen Administrazio Prozedura Erkidearenak, honako hau dio 132 artikuluan:

"Arau-plangintza.

- 1. Urtez urte, administrazio publikoek argitara emango dute araugintza-plan bat, eta hartan jasoko dira hurrengo urtean onesteko igorriko diren lege-edo erregelamendu-ekimenak.*
- 2. Onetsitakoan, Urteko Araugintza Plana argitaratu egingo da, dagokion administrazio publikoaren gardentasun-atarian."*

Udal departamentuek egindako proposamenekin bat etorriz, Zarauzko Udalaren Araugintza Plan hau egin da 2023. urterako, honako eduki honekin:

A) ANTOLAKUNTZA ARLOA

A.1. KONTU-HARTZAILETZA - ERRENTAK

A.1.1. ORDENANTZA FISKALAK (aldatzea)

Justifikazioa:

Udal tributu eta prezio publikoen urteko berrikuspenak eta eguneratzeak egitea, honako gai hauek kontuan izanda:

- Ordenantzak egokitzea, maila goreneko xedapenen aldaketetara edo berrikuntzetara.
- Udal zerga, tasa eta prezio publikoak eguneratzea edo aldatzea, bai kopuruei dagokienez, bai hobari eta salbuespenei dagokienez.
- Diru-sarrerren maila eguneratzea edo aldatzea.
- Prozedura administratiboak eta zerga-kudeaketa arrazionalizatzea.

Ekimenaren helburu nagusia:

Udalaren nahikotasun finantzarioaren printzipioa indartu eta mantentzea, Udalak bultzatu edota ekidin nahi dituen egintzak eta helburuak kontuan hartuta.

B) HERRITARREN ARLOA

B.1. GIZARTE ZERBITZUAK

B.1.1. ADINEKO PERTSONENTZAKO BABESPEKO APARTAMENTUAK ARAUTZEKO ERREGELAMENDUA (aldatzea)

Justifikazioa:

ADINEKO PERTSONENTZAKO BABESPEKO APARTAMENTUAK ARAUTZEKO ERREGELAMENDUAN (2019ko otsailaren 19ko GAOn argitaratutakoa) hainbat zehaztapen egin nahi dira erabiltzailearen ekarpenari dagokion artikuluan (23. artikulua). Aldaketa egiteko arrazoi nagusiak:

- Bikoteen kasuan, ez da zehazten zein izango den eskuragarri gelditzen den kopurua ezartzeko formula.
- Diru Sarrerak Bermatzeko Errentaren onuradunen kasuan, zein ekarpen egin behar duten zehaztu nahi da.
- Ekarpen minimo bat jartzea aztertu nahi da, edozein kasutan.
- Urteko IPREM (Ondorio askotarako Errentaren Adierazle Publikoa) kalkulatzeko, 12 edo 14 hilabetekoa izatea aztertu eta zehaztu nahi da.
- Beste zehaztapen batzuk.

Ekimenaren helburu nagusia:

Erabiltzailearen ekarpenari dagokion artikulua egokitzea/aldatzea, egun dituen hutsuneak saihesteko eta zehaztapen gehiago jasotzeko.

B.2. PAREKIDETASUNA

B.2.1. ZARAUZKO EMAKUMEEN ETA GIZONEN BERDINTASUNERAKO UDAL ORDENANTZA (aldatzea)

Justifikazioa:

Zarauzko Udalak 2017ko maiatzaren 25ean egindako osoko bilkuran onartu zuen berdintasunerako ordenantza. Azken bost urte hauetan aldatu egin da EAEko 4/2005 Legea, otsailaren 18koa, Emakumeen eta Gizonen Berdintasunerakoa. Horretaz gain, Zarauzko Udaltzaren, 2022ko azaroaren 24ko bilkuran, ZARAUZKO EMAKUME ETA GIZONEN IV PAREKIDETASUN PLANA (2022-2027) onartu du, eta horrek, 2023. urtean gauzatzeko ekintzen artean aurreikusita dauka ZARAUZKO EMAKUMEEN ETA GIZONEN BERDINTASUNERAKO UDAL ORDENANTZA berrikustea, eguneratzea eta garatzea.

Bestalde, ordenantzak izandako ibilbidea eta departamentuen ekarpenak kontuan hartuta, ordenantzaren hainbat artikulua osatzeko eta garatzeko beharra ikusi da, agindutakoa betetzeko irizpideak eta prozesuak diseinatuz.

Ekimenaren helburu nagusia:

Ordenantza lege-xedapen berrietara egokitzea, eta berau modu orokorrean berrikustea, eguneratzea eta garatzea.

B.3. KIROLA

B.3.1. JARDUERA FISIKOAREN ZEIN KIROL PRAKTIKA ETA GARAPENAREN UDAL ARAUDIA (berria)

Justifikazioa:

Herriko udal kirol instalazio guztietarako araudi orokor bat egiteko beharra dago. Aritzbatalde kiroldegiko araudia Kirol Patronatua funtzionamenduan zegoen garaikoa da, eta, ez duenez bat egiten gaur egungo errealitatearekin, ez da bideragarria. Besteak beste, honako gai hauek arautzeko beharra ikusten da:

- Udaleko kirol instalazio berrien erabilera txertatzea.
- Udal kirol instalazioetako erabiltzaileen eskubideak, betebeharrak eta erantzukizunak gaur eguneko errealitatera egokitzea.
- Diziplina prozedurak, zigor araubidea finkatzea.
- Azken urteetako araudi berriak txertatzea.

Ekimenaren helburu nagusia:

Egungo araudietara, kirol politikara, errealitatera eta erabiltzaile motara egokitzea Zarauzko udal Kirol Departamentuko araudia.

C) LURRALDE ARLOA

C.1. HIRIGINTZA ETA INGURUMENA

C.1.1. ANIMALIAK EDUKITZEA ETA BABESTEA ARAUTZEN DUEN ORDENANTZA(aldatzea)

Justifikazioa:

Arlo honetan egon diren araudi aldaketak direla, besteak beste, ekainaren 30eko 9/2022 Legea, Etxeko Animaliak babesteari buruzkoa, 2006. urtean Udal honek onartu zuen ordenantza zaharkituta geratu da.

Ekimenaren helburu nagusia:

Ordenantza araudi aldaketetara eguneratzea eta garai berrietara egokitzea